

11.

O tifen guir an Iliz
 Euz bet tud eus hor bro ;
 Pell dioué lanneier Breiz
 E kaffont ar maro.
 Ni n'oump ket tud a vrezel,
 Mes rei reomp aluzen,
 Hag o vont d'an Tad-Santel
 Hor guennek zo laouen.

12:

Astennit-ta ho tivreae'h
 Azioc'h ar Frans, ho pro.
 Deuit, Guerc'hes, parit enn neae'h
 Evel goarek ar glao.
 Ar goarek-ze ziskoueze
 Ne vije mui dour-beuz,
 Ak e tistro grass Done
 D'ar re a ziskouez keuz.

13.

Salaun, var skoultr eur vezen,
 Evit kaout e vara,
 Ne lavaret ken peden
 Nemet : O Maria !...
 Emaomp en Ilis santel
 Savet var bez ar foll,
 Mari ! ni deu d'ho kervel ;
 Mirit na zaïmp da goll !

(Droits réservés.)

KANTIK
 PELERINET AR FOLGOAT

Diskan :


Patronez dous ar Folgoat,
 Hor Mam ak hon Itroun,
 An dour en hon daoulagat,
 Ni ho ped a galoun !
 Harpit an Iliz santel !
 Avel diroll a ra...
 Tenn ak hir eo ar brezel !
 Ar peoc'h, ô Maria !

1.

Euz an Arvor, ar gourre,
 Ni deu d'ho saludi ;
 Oll e zom ho pugale,
 Oll ho karomp, Mari.
 Tud ar gourre, Arvoriz,
 Diredet oump hirio
 Da bedi 'vit an Iliz,
 Da bedi 'vit hor bro.

2.

E Roum ak e kals broïou
 Eo goasket an Iliz ;
 Peur-laeret eo he madou
 Gant enebourien kriz,
 Hirra ma e'heller guelet,
 Er mor euz tarziou guen,
 Bagik sant Per zo strinket,
 Euz eur garrek d'eben.



3.

Mar doc'h Mam ar Gristenien,
Ma karit an Iliz,
Eb dale deuit da zifen
Ho pugaligou geiz.
Araok e za ho labour
Gant bugale Satan...
Mal eo d'eooc'h dont d'hor sikour
A d'hon tena a boan.

4.

Dionallit na lavarfe
An dud fall zo er bed :
Guechal ez oa Mam Doue
Dous ak eaz da garet ;
E diskouarn a ioa tano,
Klevet a rea raktal,
Hirio ez eo pounner-gleo,
Outhi eo ret krial.

5.

Nan, nan... Oh ! tavit pelloc'h,
Rag Mari, tud difeiz ;
Morse na deo bet moc'h
He c'haloun en e c'hreiz ;
Guefet eo bet o lenva
Var gern ar menezioù,
Bemdez e mañ o paea
Hon dle dre he daelou.

6.

Ar pastor ak an denved
O dezo eun hean :
An aour pa vez peur-garzet
A denner euz an tan.
Bremaik Jesus roio
He dra da bep hini :
D'ar re fall poaniou garo,
Ar peoc'h da dud Mari.

7.

Araok mont kuit, o Mari,
Ni ra eur goulen all.
Nikun n'elfe niveri
Oll gouliou Bro-C'hall :
Peleac'h ema he gened,
He nerz, he vaillantiz ?
Pegen izel eo konezet
Merc'h hena an Iliz ?

8.

Patronez dous ar Folgoat,
Hor Mam ak hon Itroun !
An dour en hon daoulagat,
Ni ho ped a galoun,
Ar Frans zo bras he enkres
Mont a rai da netra...
Outi sellit a drues...
Trues, o Maria !

9.

Bras eo bet hor pec'hejou,
Dister hor pinijen ;
Rak-se he dourn an Autrou
E chom ar vialen,
Ret eo gounit hor barner
Pe divoada er pri.
Allaz ! n'ellomp hen ober
Nemet dreizoc'h, Mari !

10.

Pell zo c'hui zo bet choazet
Evit hor rouanez ;
E neb bro n'ho peuz kavet
Teneroc'h karantez.
Tud fidel a vandennou
A deu d'ho kaout bep bloaz,
A var hent ho chapelioù
Ne jom eur ieoten c'hlaiz.